



Broj:05-15.04-299/24-4

Datum: 14.08.2024. godine

Na osnovu člana 65. stav 1. tačka 1) i člana 66. Zakona o papirima od vrijednosti („Službeni glasnik Brčko distrikta BiH“, broj: 15/03, 27/04, 42/04, 28/07, 14/12, 20/17, 8/19, 10/19 i 32/19, 01/24 i 17/24), člana 6. stav 1. tačka 1. i člana 7. Statuta Komisije za papire od vrijednosti Brčko distrikta BiH („Službeni glasnik Brčko distrikta BiH“ broj: 10/04), Komisija za papire od vrijednosti Brčko distrikta BiH (u daljem tekstu Komisija), na svojoj 4. sjednici održanoj dana 14.08.2024. godine donosi:

PRAVILNIK O IZMJENAMA I DOPUNAMA PRAVILNIKA

o uslovima i postupku za konverziju i denominaciju, spajanje i podjelu papira od vrijednosti

Član 1

Kroz cijeli tekst Pravilnika riječ „Centralni registar“ zamijenjuje se riječju „Registar“, riječ „emisija“ riječju „izdavanje“ i riječ „emitent“ zamijenjuje se riječju „izdavalac“, kroz padeže.

Član 2

U članu 10 stav 1, tačka c) mijenja se i glasi:

Ime i prezime, funkciju i kontakt osobe koja zastupa izdavaoca.

Član 3

Pravilnik o izmjenama i dopunama pravilnika o uslovima i postupku za konverziju i denominaciju, spajanje i podjelu papira od vrijednosti stupa na snagu danom donošenja i objavit će se u „Službenom glasniku Brčko Distrikta Bosne i Hercegovine“.

Dostaviti:

1. Službeni glasnik Brčko distrikta BiH

② Arhiva

Predsjednik
Komisije za papire od vrijednosti

Muamer Ahmetpahić, dipl. oec.



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
Комисија за хартије од вриједности



Bosna i Hercegovina
BRČKO DISTRIKT
BOSNE I HERCEGOVINE
Komisija-Povjerenstvo za papire od
vrijednosti

Босне Сребрне 28, 76100 Брчко Дистрикт Босне и Херцеговине, телефон: 049/232 540, 232 550, 231 880, телефакс: 049/231 891, e-mail: info@scdbih.org
Bosne Srebrene 28, 76100 Brčko Distrikt Bosne i Hercegovine, telefon: 049/232 540, 232 550, 231 880, telefaks: 049/231 891, e-mail: info@scdbih.org

P R A V I L N I K
o uslovima i postupku za konverziju i denominaciju,
spajanje i podjelu papira od vrijednosti
(Prečišćen tekst)

Brčko, 2024.godine

Broj:05-15.04-299/24-4

Datum: 14.08.2024. godine

Na osnovu člana 65. stav 1. tačka 1) i člana 66. Zakona o papirima od vrijednosti („Službeni glasnik Brčko distrikta BiH“, broj: 15/03, 27/04, 42/04, 28/07, 14/12, 20/17, 8/19, 10/19 i 32/19, 01/24 i 17/24), člana 6. stav 1. tačka 1. i člana 7. Statuta Komisije za papire od vrijednosti Brčko distrikta BiH („Službeni glasnik Brčko distrikta BiH“ broj: 10/04), Komisija za papire od vrijednosti Brčko distrikta BiH (u daljem tekstu Komisija), na svojoj 4. sjednici održanoj dana 14.08.2024. godine donosi:

P R A V I L N I K

o uslovima i postupku za konverziju i denominaciju, spajanje i podjelu papira od vrijednosti

(Prečišćen tekst)

I. OSNOVNE ODREDBE

Član 1.

Ovim Pravilnikom se, propisuju uslovi, postupak i potrebna dokumentacija za dobijanje odobrenja za konverziju i denominaciju, spajanje i podjelu papira od vrijednosti (u daljnjem tekstu: zamjena).

Član 2.

Konverzija je povlačenje svih papira od vrijednosti jedne klase i njihova zamjena novim papirima od vrijednosti druge klase.

Član 3.

Denominacija je povlačenje svih papira od vrijednosti jedne nominalne vrijednosti i njihova zamjena jednakim brojem novih papira od vrijednosti iste klase, ali srazmjerno smanjene nominalne vrijednosti.

Član 4.

(1) Spajanje papira od vrijednosti je izdavanje novih papira od vrijednosti radi zamjene više postojećih za jedne nove papire od vrijednosti iste klase, ali veće nominalne vrijednosti – ili radi zamjene više kvotnih papira od vrijednosti za jedne nove kvotne papire od vrijednosti iste klase, ali sa većim učešćem.

(2) Dioničar koji nema dovoljno papira od vrijednosti da bi ih u postupku spajanja zamijenio za cijeli broj novih papira od vrijednosti, ima pravo da, u roku od 3 (tri) mjeseca od objavljivanja spajanja papira od vrijednosti, kupi nedostajući iznos po cijeni novih papira od vrijednosti izdatih radi spajanja.

Član 5.

Podjela papira od vrijednosti je izdavanje novih papira od vrijednosti radi zamjene jednih postojećih papira od vrijednosti za više novih papira od vrijednosti iste klase, ali manje nominalne vrijednosti.

Član 6.

Troškove spajanja i podjele papira od vrijednosti, konverzije i denominacije papira od vrijednosti snosi izdavaoc.

Član 7.

Izdavaoc je obavezan da obavijesti sve postojeće vlasnike papira od vrijednosti o spajanju i podjeli papira od vrijednosti, konverziji i denominaciji papira od vrijednosti, u roku od 8 (osam) dana od dana donošenja odluke, objavljuvanjem u najmanje dva dnevna lista dostupna na području Brčko distrikta BiH.

Član 8.

Postupak zamjene se vrši na osnovu odluke izdavaoca papira od vrijednosti (u daljnjem tekstu: izdavaoc) i odobrenja Komisije za papire od vrijednosti Brčko distrikta Bosne i Hercegovine.

II. SADRŽAJ ODLUKE O ZAMJENI

Član 9.

Skupština dionicara izdavaoca donosi odluku o zamjeni koja obavezno sadrži:

- a) puni naziv i adresu izdavaoca;
- b) oznaku i registarski broj izdavaoca u Registru izdavalaca kod Komisije;
- c) naziv organa koji je donio odluku o izdavanju;
- d) datum usvajanja odluke;
- e) opis zamjene koja se vrši i razlozi vršenja;
- f) mišljenje nadzornog odbora izdavaoca o pravnom i finansijskom učinku zamjene;
- g) oznaku vrste i klase papira od vrijednosti, te prava sadržana u papiru od vrijednosti prije i poslije zamjene;
- h) broj i nominalnu vrijednost papira od vrijednosti prije i poslije zamjene; i
- i) rok za zamjenu papira od vrijednosti.

III - ZAHTJEV ZA ODOBRENJE ZAMJENE

Član 10.

(1) Zahtjev za odobrenje zamjene obavezno sadrži:

- a) naziv i adresu sjedišta izdavaoca;
- b) oznaku izdavaoca u registru izdavalaca kod Komisije;
- c) ime i prezime, funkciju i kontakt osobe koja zastupa izdavaoca.

(2) Zahtjevu za odobrenje zamjene obavezno se prilaže slijedeća dokumentacija:

- a) odluka skupštine dioničara izdavaoca;
- b) mišljenje revizora o usklađenosti zamjene sa zakonom i standardima;
- c) dokaz o ispunjenju radnji obavještavanja iz člana 7. Pravilnika;
- d) dokaz o uplati naknade za podnošenje zahtjeva Komisiji.

Član 11.

- (1) Zahtjev se podnosi neposredno u službenim prostorijama Komisije ili preporučenom poštom.
- (2) Datum prijema zahtjeva kod Komisije je i datum njegovog podnošenja.

Član 12.

- (1) Ukoliko utvrdi neispravnost ili nepotpunost zahtjeva i/ili priložene dokumentacije, Komisija će najkasnije osam dana od dana prijema zahtjeva donijeti zaključak u pismenom obliku kojim određuje rok za ispravke ili dopune zahtjeva.
- (2) Rok u kojem Komisija odlučuje o zahtjevu teče od dana prijema kompletiranog zahtjeva.

Član 13.

- (1) Po zahtjevu izdavaoca za zamjenu papira od vrijednosti Komisija donosi rješenje, u roku od osam dana od dana prijema zahtjeva.
- (2) Rješenje se dostavlja podnosiocu zahtjeva i Registru kod Komisije.

Član 14.


Pravilnik o uslovima i postupku za konverziju i denominaciju, spajanje i podjelu papira od vrijednosti stupa na snagu danom donošenja i objavit će se u "Službenom glasniku Brčko Distrikta Bosne i Hercegovine".

Dostaviti:

1. Službeni glasnik Brčko distrikta BiH

2. Arhiva

Predsjednik
Komisije za papire od vrijednosti


Muamer Ahmetspahić, dipl.oec.

